



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2018/11
Sarajevo, 28.10.2011. godine

01/2-50-4

31-10-2011

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	01. 11. 2011		
Inicijativna brojka	Konstitucijska opisaka	Redni broj	Br. u prilogu
01-50-1	-	11-10	11
01-50-19-999/11			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 165. sjednici održanoj 26.10.2011. godine, utvrdilo je Odgovor na inicijativu koju je podnijela Nermina Zaimović Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 06-50-1-2018/11
Sarajevo, 26.10.2011. godine

Gospođa Nermina Zaimović-Uzunović, poslanica Predstavničkog doma Parlamentarne skupštine Bosne i Hercegovine, na 10. sjednici Predstavničkog doma održanoj 22.09.2011. godine, uputila je Ministarstvu civilnih poslova inicijativu sljedeće sadržine:

„Pokrećem inicijativu za donošenje zakona iz oblasti visokog obrazovanja. U najkraćem roku neophodno je uraditi prijedloge sljedećih zakona i usvojiti sljedeće zakone :

1. Zakon o kvalifikacijskom okviru Bosne i Hercegovine
2. Zakon o državnoj maturi
3. Okvirni zakon o osiguranju kvaliteta u visokom obrazovanju
4. Zakon o priznavanju inozemnih kvalifikacija u oblasti visokog obrazovanja.“

Na datu inicijativu, Vijeće ministara Bosne i Hercegovine je na 165 sjednici, održanoj 26.10.2011. godine, utvrdilo sljedeći

ODGOVOR

Sve četiri navedene teme spadaju u vrh prioriteta reforme obrazovanja i kao takve su bile predmetom aktivnosti Vijeća ministara, odnosno Ministarstva civilnih poslova.

Što se tiče kvalifikacijskog okvira, Vijeće ministara je marta ove godine donijelo Odluku o usvajanju Osnova kvalifikacijskog okvira u BiH („Službeni glasnik BiH“ broj 31/11) kao početni dokument narednog procesa izgradnje i uspostavljanja kvalifikacijskog okvira u našoj zemlji. Dalje aktivnosti na ovom planu treba da vodi interesorna komisija čije formiranje je vezano za novi saziv Vijeća ministara (član 5. Odluke).

Unutar CARDS projekta „Reforma opšteg obrazovanja u BiH“, finansiranog od strane EU, još 2005. godine je pripremljen dokument „Okvirna matura“ sačinjen od tri dijela: Smjernice za provedbu matorskog ispita; Standardi matorskog ispita za maternji jezik; Standardi matorskog ispita za matematiku. Dokument je ponuđen na usvajanje nadležnim obrazovnim vlastima, ali nije prihvaćen koncezumno.

Ministarstvo civilnih poslova je, u saradnji sa predstavnicima entitetskih i vlasti Brčko distrikta, za IPA 2012. planiralo i reformski projekt iz oblasti opšteg obrazovanja, unutar koga je predviđena izrada seta dokumenata za zajedničku BH maturu.

Mišljenja smo da Okvirni zakon o visokom obrazovanju u BiH („Službeni glasnik BiH“ br. 59/07 i 59/09) i putem njega formirana Agencija za razvoj visokog obrazovanja i osiguranje kvaliteta u ovoj fazi reformskih procesa mogu uspješno odgovoriti na pitanje osiguranja kvaliteta, pod uslovom da se Okvirni zakon dosljedno poštuje.

Unutar dvogodišnjeg IPA 2007 projekta pod naslovom „Podrška reformi visokog obrazovanja u BiH“, koji završava krajem oktobra 2011. godine, jedan od izlaznih rezultata je trebao biti okvirni zakon o priznavanju inostranih visokoškolskih kvalifikacija u skladu sa Lisabonskom konvencijom, koju je BiH ratificirala 2003. godine. Međutim, u toku trajanja

projekta taj je izlazni rezultat osporen od strane predstavnika jednog nadležnog ministarstva,tako da se Upravni odbor projekta odlučio za pripremu drugog materijala pod nazivom „Smjernice za priznavanje inostranih visokoškolskih kvalifikacija u BiH“ koji će biti ponuđen na razmatranje Konferenciji ministara obrazovanja u BiH kada ona bude formirana u novom sazivu,odnosno kada svi kantoni imenuju nove sazive svojih vlada.

Sukladno ustavnom uređenju BiH,potpunu nadležnost u obrazovanju imaju Republika Srpska,deset kantona u Federaciji BiH i Brčko distrikt BiH.Bez saglasnosti svih navedenih 12 obrazovnih vlasti Ministarstvo civilnih poslova nema mandat prihvatiti bilo kakvu inicijativu za izradu zakona.Isto tako,ukoliko Parlamentarna skupština BiH donese odluku o izradi bilo kojeg zakona,na izvršnoj vlasti je da takvu odluku provede u djelo.